

Scéal, Scéal, Scéal...



5 Deireadh Fómhair 2023 || Eagrán 167

Scéilíní, nuaíocht agus fógraí as Cois Fharraige.

Nóta ó na hOifigigh Pleanála Teanga

Ba mhaith linn focal buíochais a ghabháil le pobal Chois Fharraige as ucht an tacaíocht agus cúnamh a thugtar don Fhóram i gcónaí. Tá Plean Teanga Chois Fharraige á chur i bhfeidhm le breis agus trí bliana anuas anois agus níl aon amhras ach go bhfuil ról suntasach ag muintir na háite sa phróiseas sin. Is pointe eolais agus foinse taitnimh é *Scéal, Scéal, Scéal...* agus ba bhreá linn dá mbeadh ionchur ag an bpobal ann. Tá muid i gcónaí ag iarraidh a chloisteáil uaibh - agus aon mholtaí atá agaibh a chloisteáil agus a phlé. Ar scáth a chéile a mhaireann muid, ar ndóigh!




COMÓRTAS FILÍOCHTA BASHO

Tá comórtas filíochta, bunaithe ar an ‘Haiku’ á reáchtáil ag IMRAM i gcomhar le Éigse Éireann. Duais Basho is ainm don chomórtas atá dírithe ar scoileanna iar-bhunoideachais. Dáinín gairid atá i gceist le ‘haiku’ a tháinig chun cinn sa tSeapáin agus a bhláthaigh sa 17ú haois faoin máistir mór Bashō. Ní bhíonn ach trí líne ann de ghnáth, gan dul thar 17 siolla. Díríonn an haiku traidisiúnta ar an dúlra agus ar shéasúir na bliana. ‘Sé Gabriel Rosenstock a bheas ina mholtóir ar an gcomórtas. Glacfar le hiarratais go dtí Dé hAoine 20 Deireadh Fómhair. Is féidir tuilleadh eolais a fháil ach teagmháil a dhéanamh le: eigse@poetryireland.ie

CORN PHEAIT PHÁDRAIC TOM Ó CONGHAILE

Beidh Comórtas Chorn Pheait Phádraic Tom Ó Conghaile ar siúl ar an Domhnach 15 Deireadh Fómhair i Scoil Éinne, sa Spidéal. Is i gcuimhne ar an amhránaí sean nós Peait Phádraic Tom Ó Conghaile as Leitir Péic An Spidéal, atá an comórtas. Ghnóthaigh Peait Phádraic Tom an dara háit i gComórtas na bhFear ag Oireachtas na Gaeilge in 1955 agus an chéad áit i 1956. Mhúin sé amhráin sean-nós do ghasúir óga san Gaelacadamh sa Spidéal idir 1980 agus 1992. Tabharfaidh an comórtas deis do dhaoine óga an cheantair taithí agus cleachtadh a fháil ar an amhránaíocht ar an sean-nós. Is féidir clárú ar an lá. Cuirfear tús le cúrsaí @ 12 meánlae. Is féidir teagmháil a dhéanamh le Caitlín ag cnichonghaile@forasnagaeilge.ie



CEARDLANN DO CHUMADÓIRÍ AMHRÁN

Tá ceardlann do chumadóirí amhrán Gaeilge á réachtáil ag Cló Iar-Chonnacht sa Spidéal ar an Satharn 28 Deireadh Fómhair i gcuimhne ar Phádraig Ó hAoláin (1944 - 2021), Tiobrad Árannach ildánach a chum an t-amhrán 'Cóilín Phádraig Shéamais'. Beidh an cheardlann dírithe ar chumadóirí amhrán den uile chineál. Tugtar cuireadh do chumadóirí ar mhaith leo a bheith páirteach sa gceardlann sampla dá saothar a sheoladh chuig Micheál Ó Conghaile roimh 21 Deireadh Fómhair. Beidh fáilte roimh ábhar ó chumadóirí nua chomh maith le cumadóirí aitheanta. Roghnófar na saothair is feiliúnaí le plé ag an gceardlann agus seolfar saothar gach cumardóra chuig gach duine a bheas ag freastal ar an gceardlann, le go mbeidh deis roimhré acu iad a léamh is a mheas. Níl aon táille i gceist. Tá áit do dheichniúr ar an gceardlann. Le áit a chur in áirithe ar an gceardlann ní mhór do chumadóir sampla dá c(h)uid oibre a sheoladh chuig moccic22@outlook.com faoin Satharn 21 Deireadh Fómhair. Micheál Ó Conghaile agus Ciarán Ó Fátharta a bhéas i mbun na ceardlainne.

AN CAFÉ GAELTACHTA

Beidh 'Bon Viveurs na Gaillimhe - An Café Gaeltachta' ar siúl i bPOTA ar an Aoine 13 Deireadh Fómhair. Tabharfaidh Diarmuid Ó Mathúna léargas ar bhia nádúrtha na Gaeltachta ar an oíche. Moltar do spás a chur in áirithe roimh ré ach an nasc Eventbrite seo a úsáid: <https://www.eventbrite.com/e/an-cafe-gaelach-tickets-707765324137?aff=oddttdtcreator>
Tá an ócáid seo é réachtáil ag an mBruach Thoir - is féidir tuilleadh eolais a fháil ag: www.bruachthoir.com

FOLÚNTAIS AG AN mBOGHA CEATHA

Tá an Bogha Ceatha ag iarraidh cur lena bhfoireann, dá ngrúpa iarscoile. Níl aon cháilíochtaí ag teastáil ach tá sé tábhachtach go mbeadh Gaeilge chumarsáideach ag iarrthóirí, go mbeadh iarrthóirí cineálta, cairdiúil agus sásta a bheith ag obair le gasúir idir 4-12 bliain d'aois. 'Siad 1:30-5:30 na huaireanta oibre a bheadh i gceist. Le cur isteach ar an bpost, nó le níos mó eolais a fháil is féidir teagmháil a dhéanamh le oifig@boghaceatha.com nó 091 897 851



CRUINIÚ CINN BHLIANA: COMHARCHUMANN SHAILEARNA

Beidh cruinniú cinn bhliana de chuid Chomharchumann Shailearna ar siúl ar an Máirt 17 Deireadh Fómhair, i Seanscoil Sailearna, ag tosú ag 8i.n. Le freastal ar an gCruinniú Ginearálta Bliantúil ní mhór a bheith i do scairshealbhóir den Chomharchumann. Tá folúntais le líonadh ar an mBord Stiúrtha. Le seasamh don Bhord Stiúrtha caithfidh tú bheith i do scairshealbhóir agus tá foirm ainmneacháin le líonadh.

Tá cead ag scairshealbhóirí rún a mholadh le dul ar chlár an chruinnithe ach an fhoirm chuí a líonadh. Caithfear na foirmeacha líonta a sheoladh ag Oifig an Chomharchumann roimh 5i.n. ar an Máirt 10 Deireadh Fómhair. Le tuilleadh eolais a fháil faoin gcruinniú, is féidir teagmháil a dhéanamh leis an gComharchumann ag 091 399 199



FÉILE CHOIS FHARRAIGE

Cuireadh tús bríomhar le Féile Chois Fharraige ar an Máirt 3 Deireadh Fómhair agus tá neart eile le teacht fós! Ar an Aoine, beidh Maidin Chaife ar siúl ag an mBláth Fiáin, sa Spidéal. Cuireann An Fóram fáilte 's fiche roimh chách. Chomh maith le sin, tiocfaidh Club Leabhar Chois Fharraige le chéile @ 8i.n ar an Aoine do sheoladh leabhair *Deirdre* le Darach Ó Scolaí. Chomh maith le sin, beidh seisiún scéalaíochta le Máirín Mhic Lochlainn ar an Satharn, i Leabharlann an Spidéil, beidh ceolchoirm ag Ceoltóirí Óga Chois Fharraige, tabharfaidh Diarmuid Ó Mathúna faoi cheardlann cócaireachta ar an Domhnach agus beidh siúlóid in ómós do Mháirtín Ó Cadhain ar siúl ar an lá céanna. Tá súil againn go bhfeicfidh muid ann sibh!

Dé hAoine 6 Deireadh Fómhair

11:00 r.n. Maidin Chaife

Comhluadar agus Caidreamh

Fáilte roimh chách!

- Bláth Fiáin, An Spidéal -

8:00 i.n. Club Leabhar Chois Fharraige

Seolfaidh an Dr. Breandán Ó Cróinín

Deirdre le Darach Ó Scolaí

- Tigh Mholly -

Dé Sathairn 7 Deireadh Fómhair

10:00 r.n Ceardlann Geamaireachta

Scileanna aisteoireachta agus spraoi do ghasúir

(7-12) le Séamus Hughes

(Cláraigh roimh ré: 091 505 855)

- Stiúideo FÍBÍN -

**12:00 i.n Scéalta le
Máirín Mhic Lochlainn
Scéalta do ghasúir bhunscoile.
- Leabharlann an Spidéil -**

Athrú Ama: 6:30i.n.

**i.n Ceiliúradh Chois Fharraige
Ceolchoirm de chuid
Cheoltóirí Óga Chois Fharraige
Ticéid: taiscecf@gmail.com
- Seanscoil Sailearna -**

Domhnach 8 Deireadh Fómhair

**10:00 r.n Ceardlann Cócaireachta
don Chlann**

Deis do thuismitheoirí agus gasúir oidis nua a
fhoghlaim, agus a bhlaiseadh le chéile, in éindí le
Diarmuid Ó Mathúna
(Cláraigh roimh ré: 083 010 6294)

- POTA -

**12:00 i.n Conair an Chadhnaigh
Siúlóid 4K ón Airdín Buí go dtí An Cnocán Glas
- An tAirdín Buí -**


**6:00 i.n Seisiún Ceoil
- Cois Cuain -**

**8:00 i.n Seisiún Amhránaíochta
- Tigh Phádraigín -**

CEARDLANN CÓCAIREACHTA DON CHLANN AR FAD

Deis do thuismitheoirí agus gasúir oidis nua a fhoghlaim,
agus a bhlasadh le chéile

AM: 10R.N – 2I.N.
IONAD: POTA



€10 AN SPÁIS
Tuilleadh eolais



Is féidir ticéad a chur in áirithe don Cheardlann Cócaireachta ach an cód QR thuas a leanúint nó teagmháil a dhéanamh le optchoisfharraige@gmail.com Beidh an cheardlann feiliúnach do ghasúir bhunscoile agus moltar go mbeadh thuismitheoir amháin agus gasúr amháin/beirt ag chuile stáisiún. Is comhthogra de chuid Diarmuid Ó Mathúna, POTA, agus Fóram Chois Fharraige um Pleanáil Teanga atá san imeacht seo atá á reáchtáil mar chuid d'Fhéile Chois Fharraige 2023.



Conair an Chadhnaigh

Siúlóid 4K ón
Airdín Buí go dtí An Cnocán Glas

Aoichainteoir: Seán Ó Cadhain




Domhnach 8ú Deireadh Fómhair
12 i.n. @ An Airdín Buí

Ná dearmad do bhrógra reatha agus do sheaicéad 'hi-vis'!

Fáilte roimh chách.



Beidh ceiliúradh ag Club Leabhar Chois Fharráige le linn na Féile ar an Aoine 6 Deireadh Fómhair nuair a sheolfaidh an Dr. Breandán Ó Cróinín an leabhar 'Deirdre' le Darach Ó Scolaí i dTigh Mholly @ 8i.n. Beidh soláistí ar fáil ar an oíche ó POTA. Is comhthogra de chuid Chlub Leabhar Chois Fharráige agus Fóram Chois Fharráige um Pleanáil Teanga í an ócáid.



Beidh neart ceoil le cloisteáil le linn na Féile, le Ceolchoirm Chois Fharráige de chuid Cheoltóirí Óga Chois Fharráige i Sheanscoil Sailearna ar an Satharn 7 Deireadh Fómhair @ 6:30 i.n. Chomh maith le sin, beidh Seisiún Amhránaíochta ar an Sean-Nós i dTigh Chualáin ar an Déardaoin 5 Deireadh Fómhair @ 7:30i.n. Tiocfaidh ceoltóirí le chéile i dTigh Mholly ar an gCéadaoin @ 9:30i.n. agus le críoch a chur leis an bhFéile, beidh seisiún ceoil sa Spidéal, i gCois Cuain @ 6i.n. agus beidh Seisiún Amhránaíochta ar siúl Tigh Phádraicín @ 8i.n.



Seisiún Ceoil

Am: 6 i.n.
Dé Domhnaigh 8ú Deireadh Fómhair

Ionad: Cois Cuain



Seisiún Amhránaíochta Sean-Nós

Am: 7.30 i.n.
Déardaoin 5ú Deireadh Fómhair
Ionad: Tigh Chualáin

Fáilte roimh chách,
Idir óg 's aosta!



Seisiún Amhránaíochta

Am: 8 i.n.
Dé Domhnaigh 8ú Deireadh Fómhair

Ionad: Tigh Phádraicín

BLAS NA FÉILE...

Seoladh an leabhar ‘Scéalta na gComharsan’ - saothar de chuid rannpháirtithe ó Áras Chois Fharráige agus Tearmann Éanna - a d’oibrigh le Fighting Words agus An Fóram leis an leabhar álainn seo a chur le chéile. Is féidir éisteacht siar le píosa álainn a rinne Iris Aniar maidir leis an ócáid, chomh maith le cúpla focal ó chuid de na scríbhneoirí iad féin:

https://podcast.rasset.ie/podcasts/audio/2023/1004/20231004_rteraidion-irisaniar-seoladhlea_c22304419_22304423_232_.mp3



CLUB FOGHLAIMEOIRÍ GAEILGE CHOIS FHARRAIGE - GRÚPA DRÁMAÍOCHTA

Tá dráma nua cumtha ag Máirín Mhic Lochlainn a bhéas á léiriú, ar stáitse ag an ngrúpa drámaíochta de chuid Chlub Foghlaimoirí Gaeilge Chois Fharraige ar an Satharn 2 Nollaig. Tiocfaidh an grúpa le chéile ag Oifigí Fóram Chois Fharraige um Pleanáil Teanga (Inis Fáil, An Spidéal H91 X63V) chuile sheachtain, ar an Déardaoin @ 7:30-9i.n. le haghaidh cleachtaí. Fáiltíonn an Club roimh dhaoine áitiúla - cainteoirí dúchais nó foghlaimoirí le glacadh le ról sa dráma nó le cúnamh a thabhairt leis an léiriúchán. Tugann an drámaíocht deis d'fhoghlaimoirí dul i dtaithe ar labhairt na Gaeilge ar bhealach nádúrtha agus spraíúil. Tá fáilte is fiche roimh dhuine ar bith atá ag iarraidh triail a bhaint as - cuirfear tús leis na cleachtaí ar an Déardaoin 14 Meán Fómhair ach beidh fáilte roimh chách an tseachtain dár gcionn chomh maith.



FOLÚNTAIS AG POTA

Tá POTA Café sa tóir ar fhoireann lán-aimseartha agus páirt-aimseartha. Tá siad ag glacadh le hiarratais do réimse leathan rólanna, idir freastalaithe agus foireann cistine. Cé go gcuideodh sé, ní gá go mbeadh taithí agat san earnáil mar go gcuirfear oiliúint chuimsitheach ar fáil. Déantar iarracht faoi leith i bPOTA láthair dearfach, measúil agus taitneamhach oibre a chur ar fáil. Bí i dteagmháil leo ar ríomhphost, potacafe@gmail.com, ar na meáin shóisialta, nó buail isteach!